

Sanela Klarić

Zastupnica u Skupštini Kantona Sarajevo

Sarajevo, 29.09.2023.

Dostaviti:

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Predsjedavajući g. Elvedin Okerić

Uputiti:

Vlada Kantona Sarajevo
Ministarstvo za odgoj i obrazovanje Kantona Sarajevo
Ministarstvo komunalne privrede, infrastrukture, prostornog uređenja, građenja i okoliša

PREDMET: ZASTUPNIČKA INICIJATIVA

Na osnovu člana 213. Poslovnika Skupštine Kantona Sarajevo ("Službene novine Kantona Sarajevo", broj 41/12, 15/13, 47/13, 47/15, 48/16, 9/20, 14/20 i 16/22), upućujem inicijativu Vladi Kantona Sarajevo, Ministarstvu za odgoj i obrazovanje Kantona Sarajevo i Ministarstvu komunalne privrede, infrastrukture, prostornog uređenja, građenja i okoliša **da pristupe rješavanju problema grijanja u JU Srednjoškolski centar Vogošća, te da odobre sredstva za energetski efikasnu sanaciju Srednjoškolskog centra u Vogošći u kojem se djeca smrjavaju već duži niz godina zbog lošeg grijanja.**

OBRAZLOŽENJE:

JU Srednjoškolski centar Vogošća ima dugogodišnji problem grijanja prostorija u kojima borave učenici ove institucije iz mnogobrojnih razloga. Prvenstveno, JU Srednjoškolski centar Vogošća se grije na gradskoj kotlovnici BAGS ENERGOTEHNIKA – Vogošća, čija je podstanica smještena u O.Š. Mirsad Prnjavorac zbog čega zagrijana voda prvo prođe kroz cjelokupni sistem O.Š. Mirsad Prnjavorac, pa tek onda dolazi do JU Srednjoškolskog centra Vogošća, pri čemu se vrlo često gasi grijanje iza 17:00 sati. Kao alternativno grijanje, JU Srednjoškolski centar Vogošća koristi zajedničku kotlovnicu na ložioničko ulje sa O.Š. Mirsad Prnjavorac pri čemu i ovakav vid energije prvenstveno prolazi kroz sistem osnovne škole, a potom tek ulazi u sistem Srednjoškolskog centra Vogošća. Između ostalog, postoje i ostali faktori koji utiču na dugogodišnji problem grijanja kao što su:

- fasadni otvori koji su u lošem stanju i čija je zamjena izuzetno neophodna, a u nekim dijelovima je neophodna i značajna rekonstrukcija;
- „termo fasada“ koja je urađena samo na nekim dijelovima zgrade sa debljinom stiropola od 3-5cm, a što je po procjeni struke nedostavno;
- krovna konstrukcija ravne plohe koja nema termoizolaciju zbog čega se dešava ogroman gubitak energije na krovu;
- problem staklenih površina koje prijete od urušavanja kao i problem krova koji nema adekvatne izolacije između limenih površina, pri čemu krovna konstrukcija nije doživjela bilo kakvu sanaciju od izgradnje iste;

- veliki broj grejnih tijela odnosno radijatora koje je neophodno zamijeniti.

JU Srednjoškolski centar Vogošća školuje važne kadrove koji odgovaraju planovima razvoja industrijske zone u Vogošći te inavedene intervencije i stvaranje optimalnih uslova školovanja predstavljaju strateški značaj za cijelu opštinu Vogošća.

Uzimajući u obzir gore navedene faktore koji utiču na dugogodišnji problem grijanja u JU Srednjoškolski centar Vogošća, ovim putem podnosim inicijativu Vladi Kantona Sarajevo i Ministarstvu za odgoj i obrazovanje Kantona Sarajevo da pokrene postupak rješavanja problema grijanja u JU Srednjoškolski centar Vogošća, te da odobri sredstva za energetske efikasnu sanaciju Srednjoškolskog centra u Vogošći.

S poštovanjem,

Sanela Klarić